



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KT 0195047 25
Sarajevo, 28.03.2024. godine

PRITVOR!

KANTONALNOM SUDU U SARAJEVU
Sudiji za prethodno saslušanje
SARAJEVO

Na osnovu člana 45. stav (2) tačka i) i člana 241. stav (1) Zakona o krivičnom postupku Federacije BiH, podižem:

O P T U Ž N I C U

Protiv:

1. **ALMIN ŠEĆOVIĆ**, zvani Šećko, rođen 2005. godine, nastanjen u, Bosna i Hercegovina, po zanimanju moler, zaposlen kao konobar u cafe "LOBI", ulica Kolodvorska broj 9, Općina Novo Sarajevo, državljanin Bosne i Hercegovine, posjeduje JMBG:, neosuđivan, **nalazi se u pritvoru po rješenju Kantonalnog suda u Sarajevu od 05.03.2025. godine, a koji pritvor može trajati nakasnije do 03.04.2025. godine do 09,15 sati,**
2. **TALHA HUREMBEGOVIĆ**, rođen 2006. godine, nastanjen u, Bosna i Hercegovina, bez zanimanja, nezaposlen, državljanin Bosne i Hercegovine, posjeduje JMBG:, neosuđivan, **nalazi se u pritvoru po rješenju Kantonalnog suda u Sarajevu od 05.03.2025. godine, a koji pritvor može trajati nakasnije do 03.04.2025. godine do 10,30 sati**

Što su:

Dana 08.07.2024. godine oko 19:20 sati, zajedno sa mlđb., zajedno, po prethodnom dogovoru i podijeljenim ulogama, svjesni svojih radnji i s ciljem da oduzimanjem tuđe pokretne stvari pribave sebi protivpravnu imovinsku korist, upotrebom sile, što su i htjeli, ušli u unutrašnjost apartmana/stana koji se nalazi u Sarajevu u ulici Zagrebačka, opština Novo Sarajevo, u kojem je boravila M.B., državljanica Ruske Federacije, na način da je ušao u stan prvo ušao osumnjičeni Almin Šećović i imenovanu pretukao na način da je upotrebom sile-fizičke snage, udario rukama i nogama po čitavom tijelu, nanijevši joj lake tjelesne povrede u vidu oguljotine kože predjela lijeve podlaktice i oguljotine kože predjela desne potkoljenice, nakon čega je telefonom pozvao osumnjičene Hurembegović Talhu i mlđb. da uđu u stan, te im omogućio da uđu u stan, na način da je otključao vrata stana, nakon čega je osumnjičeni Hurembegović Talha uočio da je oštećena pretučena i da leži na podu i preko nje prebacio čaršaf, nakon čega su sva trojica krenuli u premetačinu stana i od oštećene M.B. oduzeli jedan ženski novčanik crne boje, u kojem se nalazio novac u iznosu od oko 500,00 Eura, od čega je određeni iznos u Euro valuti, a drugi dio novca u KM, ličnu/ID kartu UAE izdata na ime oštećene, jedne ženske naočale marke „Versace” vrijednosti 400,00 USD, a potom svjesni da svojim radnjama mogu oštetiti tuđu stvar, što su i htjeli, su razbili, uništili njen mobilni telefon, marke „Iphone“, model „12 Pro“, sive boje, vrijednosti oko

1.200,00 Eura, nakon čega su se izvršioци sa otuđenim predmetima i novcem udaljili sa lica mjesta putničkim motornim vozilom marke „Volkswagen“, model „Golf IV“, zelene boje, registarskih oznaka, kojim je upravljao Šećović Almin, prvoosumnjičeni za izvršenje predmetnog krivičnog djela, čime su oštetili oštećenu u ukupnom iznosu od 4.040,00 KM,

Dakle, u sastavu grupe ljudi, uz upotrebu sile oduzeli tuđu pokretninu, s ciljem da njenim prisvajanjem pribave sebi protivpravnu imovinsku korist i oštetili, uništili tuđu stvar

Čime bi počinili krivično djelo Razbojništvo iz člana 289. stav 2. u vezi stava 1. KZ FBiH i krivično djelo Oštećenje tuđe stvari iz člana 293. stav 1. u vezi sa članom 31. KZ FBiH, a sve u vezi sa članom 54. istog Zakona.

Na osnovu člana 242. stav (3), a u vezi sa članom 151. stav (2) Zakona o krivičnom postupku Federacije BiH, Kantonalno tužilaštvo Kantona Sarajevo, podnosi prijedlog da se prema Šećović Alminu i Hurembegović Talhi, u skladu sa članom 146. stav (1) tačka c) Zakona o krivičnom postupku Federacije BiH produži mjera pritvora zbog postojanja osnovane sumnje da su počinio krivično djelo Razbojništvo iz člana 289. stav 2. u vezi stava 1. KZ FBiH i krivično djelo Oštećenje tuđe stvari iz člana 293. stav 1. u vezi sa članom 31. KZ FBiH, a sve u vezi sa članom 54. istog Zakona.

KANTONALNI TUŽILAC